



Siku moja
mamangu
alinunua matunda
aina tofauti.



Tulijiuliza, "Mama
atatugawia
matunda wakati
gani?"



Baadaye, kakangu,
Rahim, alijificha na
kuyala matunda
yote!



Tulisema kwa hasira, "Rahim ni mtukutu tena ni mchoyo. Lazima aadhibiwe."



Mama aligundua
kuwa matunda
yote yalikuwa
yameliwa.
Alikasirika sana.



Tulimtazama
Rahim kwa ukali.



Nilimwuliza mama,
"Je, utamwadhibu
Rahim?"



Baadaye, Rahim alipata adhabu asiyoitarajia.



Hakuweza kutulia!



Mama
alipomwuliza
alijibu kwa sauti ya
chini, "Naumwa na
tumbo."



Hiyo ilikuwa
adhabu mbaya
kuliko kama Rahim
angechapwa na
mama.



Alipopata nafuu,
Rahim alituomba
msamaha. Aliahidi
kuwa hataiba tena.